



**TERENGGANU DARUL IMAN
TAMBAHAN PERUNDANGAN**

AKTA KERAJAAN TEMPATAN 1976

**Tr. P.U. 13/92
UNDANG-UNDANG KECIL
VANDALISME
(MAJLIS DAERAH SETIU) 1990**

Tarikh penyiaran:
Tarikh mula berkuatkuasa:

7 Mei 1992
7 Mei 1992



TERENGGANU DARUL IMAN
TAMBAHAN PERUNDANGAN

AKTA KERAJAAN TEMPATAN 1976

Tr. P.U. 13/92

UNDANG-UNDANG KECIL VANDALISME (MAJLIS DAERAH SETIU) 1990

Tarikh penyiaran:

7 Mei 1992

Tarikh mula berkuatkuasa:

7 Mei 1992

SUSUNAN UNDANG-UNDANG KECIL

Mukadimah

Undang-undang kecil 1. Nama, pemakaian dan mula berkuatkuasa.

Undang-undang kecil 2. Tafsiran.

Undang-undang kecil 3. Kesalahan-kesalahan dan penalti.

Undang-undang kecil 4. Kuasa-kuasa menyita dsb.

Mukadimah

PADA menjalankan kuasa-kuasa yang diberi oleh seksyen 102 Akta Kerajaan tempatan 1976 [Akta 171], Majlis Daerah Setiu membuat, dan menurut seksyen 103 Akta tersebut Pihak Berkuasa Negeri mengesahkan, undang-undang kecil berikut:

1. Nama, pemakaian dan mula berkuatkuasa.

Undang-undang kecil ini bolehlah dinamakan **Undang-undang Kecil Vandalisme (Majlis Daerah Setiu) 1990** dan hendaklah terpakai bagi kawasan Majlis Daerah Setiu dan hendaklah mula berkuatkuasa pada tarikh ianya disiarkan di dalam *Warta*.

2. Tafsiran.

Dalam undang-undang kecil ini, melainkan jika konteksnya menghendaki makna yang lain—

“binatang” termasuk burung, serangga dan hidupan liar;

“harta Majlis” ertinya apa-apa harta alih atau tidak alih yang dipunyai, dibina, diuruskan, atau diselenggarakan oleh Majlis yang terletak atau yang ada di dalam, di bawah atau di atas, mana-mana tempat awam atau persendirian di dalam kawasan Majlis dan apa-apa harta mana-mana pihak atau orang yang berkontrak dengan dengan Majlis yang digunakan bagi maksud memenuhi atau melaksanakan kontrak itu dan termasuklah apa-apa kerja yang dijalankan oleh Majlis dan mana-mana binatang, pokok, tumbuhan, rumput, sungai, tasik, pulau, anak sungai, lagun dan pantai yang dibawah penjagaan dan kawalan Majlis;

“kerja” ertinya mana-mana kerja yang dijalankan oleh Majlis di bawah mana-mana undang-undang bertulis yang ada di dalam, di bawah atau di atas mana-mana tempat awam atau persendirian di dalam kawasan Majlis;

“Majlis” ertinya Majlis Daerah Setiu;

“Setiausaha” ertinya Setiausaha Majlis Daerah Setiu;

“tempat awam” mempunyai ertinya mana-mana tempat selain daripada tempat awam;

“Yang Dipertua” ertinya Yang Dipertua Majlis Daerah Setiu dan termasuk Timbalan Yang Dipertua;

3. Kesalahan-kesalahan dan penalti.

(1) Tiada seorang pun boleh, melainkan jika kebenaran atau kuasa baginya diberikan secara bertulis oleh Majlis:

(a) menulis, melukis, mengecat, menyembur, menanda, mencalar, atau mengukir apa-apa perkataan, slogan, karikatur, simbol, atau apa-apa jua pun di atas harta Majlis;

(b) memasang, meletakkan, menampalkan, menunjukkan atau mempamerkan apa-apa poster, pelekat, iklan, surat tempelan, peringatan, kertas atau apa-apa dokumen di atas harta Majlis;

(c) Menggantung, menyangkut, menaikkan, melekatkan atau mempamerkan apa-apa bendera, panji-panji hiasan, panji-panji benderan, sepanduk atau yang menyerupainya dengan sesuatu slogan, karikatur, lukisan, simbol atau apa-apa perkataan lain di atas harta Majlis;

(d) memakukan, mengikat, menyimpul atau merantai apa-apa benda ke atas harta Majlis;

(e) mencuri, mengalih, mengganggu, mengusik, memindah, mencatatkan, merosakkan atau memusnahkan apa-apa harta Majlis;

(f) membuat apa-apa ubahan kepada apa-apa harta Majlis;

(g) mengalih, memindah, mengusik, memcatatkan, merosakkan atau memusnahkan apa-apa jua yang dipertunjukkan, digantung, didirikan, dilekatkan, dinaikkan, atau disangkutkan bagi maksud itu;

(h) meludah, kencing atau membuang air besar di dalam atau di atas mana-mana harta Majlis kecuali di tempat yang telah disediakan bagi maksud itu;

(i) mengotorkan atau mencemarkan air di mana-mana pancutan air, kolan renang, sungai, tasik atau anak sungai yang di bawah penjagaan dan kawalan Majlis;

(j) memotong, menggali, mengalih, memetik, membantun, merosak atau memusnahkan mana-mana pokok, tumbuhan-tumbuhan, bunga, daun, atau dahan mana-mana pokok atau tumbuhan-tumbuhan atau rumput yang di bawah penjagaan dan kawalan Majlis;

(k) mengorek atau mengalih tanah dari mana-mana harta Majlis;

(l) memerangkap, menangkap, mendera, menahan, memberi makan atau mengganggu mana-mana binatang kepunyaan Majlis atau yang di bawah penjagaan dan kawalan Majlis;

(m) menunggang, memandu, menolak atau menarik apa-apa kenderaan sama ada yang digerakkan secara mekanikal atau meluncur dengan skate di atas mana-mana harta Majlis yang bukan dibenarkan bagi maksud itu; atau

(n) melakukan apa-apa perbuatan yang boleh menyebabkan kerosakan kepada harta Majlis.

(2) Mana-mana orang yang melakukan mana-mana perbuatan vandalisme yang tersebut di atas atau cuba melakukan mana-mana perbuatan itu atau menyebabkan mana-mana perbuatan itu dilakukan adalah melakukan suatu kesalahan dan apabila disabit boleh didenda tidak melebihi dua ribu ringgit atau dipenjarakan selama tempoh yang tidak melebihi satu tahun atau denda dan penjara itu kedua-duanya dan mengenai kesalahan yang berterusan boleh selanjutnya didenda tidak melebihi dua ratus ringgit bagi setiap hari selama tempoh kesalahan itu diteruskan selepas sabitan.

4. Kuasa menyita dsb.

(1) Yang Dipertua atau mana-mana pegawai Majlis yang berkuasa secara bertulis oleh majlis boleh:

(a) menyita atau mengalih apa-apa benda yang didapati bergantung, dinaikkan, ditampal, diikat, disimpul, dirantai, dipakukan, dilekatkan, disangkut, dipamerkan atau dipertunjukkan di atas mana-mana peruntukan undang-undang kecil ini; atau

(b) memadam apa-apa tulisan, gambar, lukisan, tanda, cakaran, calar atau ukiran yang dibuat oleh mana-mana orang berlanggaran dengan mana-mana peruntukan undang-undang kecil ini.

(2) Apa-apa tindakan yang diambil oleh Yang Dipertua atau mana-mana pegawai Majlis yang diberikuasa secara bertulis oleh Majlis di bawah perenggan (1) tidak boleh ditafsirkan sebagai menghalang mana-mana orang daripada dikenakan pendakwaan bagi apa-apa kesalahan terhadap mana-mana peruntukan undang-undang kecil ini.

Diperbuat oleh Majlis Daerah Setiu dalam mesyuarat pada 21hb. November, 1990.
[MDS. 3/2]

HAJI SHAFI'I BIN OMAR,
Yang Dipertua,
Majlis Daerah Setiu

Disahkan oleh Pihak Berkuasa Negeri dalam mesyuaratnya pada 11 Mac 1992.
[SUK. TR. 1200/372/SK. B; PUN. TR. (S) 85/3/15]

OSMAN BIN MUDA,
Setiausaha,
Majlis Mesyuarat Kerajaan Negeri,
Terengganu

Copyrights Reserved ©

All rights reserved. No part of this publication may be reproduced, stored in retrieval system or transmitted in any form or by any means electronic, mechanical, photocopying, recording and/or otherwise without the prior written permission of the publisher.